



एह आकाशवाणी जम्मू ऐ, हुन तुस श्रुति खजूरिया कोला खबरां सुनो।

### **Doda Encounter**

डोडा जिले च कल रातीं सुरक्षाबलें ते आतंकवादिं बश्कार होए दे टाकरे च 5 सैन्य कर्मिं जिदं च सेना दे इक अफसर ऐ ते इक उसओजी जवान शामिल शहीद होई गे न। एह टाकरा रातीं शुरू होआ। भारी थेआरें कन्नै लैस आतंकवादिं कन्नै होए दी गोलीबारी च सुरक्षाबल घायल होइ गे हे। आकाशवाणी जम्मू संवाददाता दी रिपोर्ट मूजब एह टाकरा डोडा जिले दे देसा दे जंगली इलाकें च शुरू होआ। आतंकवादिं दी मजूदगी बारे सूह हिने मगरा राष्ट्रीय राईफल्स ते जम्मू कश्मीर पुलस दे एसओजी आस्सेआ सांझे तौर पर इलाके दी घेराबंदी करियै तपाशी अभियान चलाया गेआ। एह इलावा डोडा कस्बे थमां 55 किलोमीटर दूर ऐ। किश चिरे दी गोलीबारी मगरा आतंकवादी नस्सने दी कोशश कीती, पर सुरक्षा कर्मिं आस्सेआ उंदा पिच्छा कीता गेआ। बड़ी मती चुनौतिं दे बावजूद सुरक्षाबलें आतंकवादिं दा पिच्छा कीता जेह्दे चलदे 9 बजे गोलीबारी परतियै होई। इस गोलीबारी च 5 कर्मिं गंभीर तौर पर घायल होई गे जेह्दे मगरा ओह वीरगति गी प्राप्त होई गे। उपराज्यपाल मनोज सिन्हा होरें शहीदें गी श्रद्धांजलि भेंट कीती। अपने इक सोशल मीडिया पोस्ट च उनें लिखेआ जे ओह सुरक्षाकर्मिं पर होए दे कायराना हमले करी बड़े मते दुखी न। उनें राष्ट्र लेई अपना स्वोच्चय बलिदान देने आले बहादुर सैनिकें गी नमन कीता। उनें सौहृगी परोआरें प्रति अपनियां संवेदना बी जाहर कीतियां। पिछले इक म्हीने च डोडा च 4 टाकरे होए नखु इनें टाकरें च त्रै पाकिस्तानी आतंकवादिं दा सफाया कीता गेआ ते 7 सुरक्षाकर्मिं घायल होए। रक्षा मंत्री राजनाथ सिंह होरें डोडा टाकरे च शहीद होए दे जुआनें गी श्रद्धांजलि भेंट कीती। उनें इक सोशल मीडिया पोस्ट च उनें आखेआ राष्ट्र इनें सैनिकें दे परोआर कन्नै दुख दी इस घड़ी च खड़ोते दा ऐ, जिनें मुख्य लेई अपना स्वोच्चय बलिदान दित्ता।



### **Rajnath GoC**

रक्षामंत्री राजनाथ सिंह होरें सेना प्रमुख जनरल उपेन्द्र विदी हुंदे कन्नै डोडा च जारी आतंकवाद रोधी अभियान बारे बल्ल कीती। इस दरान मंत्री होरें गी सेना प्रमुख हुंदे आस्सेआ जारी तपाशी अभियान ते जमीनी स्थिति दी जानकारी दित्ती गई।

<><><><><><>

## Dr. Jatinder Singh

केन्द्री राज्य मंत्री डॉ. जितेन्द्र सिंह होरें डोडा दे देसा इलाके च होए दे टाकरे पर डूहगी चिंता जाहर कीती ऐ। सोशल मीडिया पोस्ट च उनें आखेआ जे उंदी लोकसभा सीट पौंदे इलाके च होए दे टाकरे आली खबर गी सुनियै आहत न। उनें इस हमले दी निंदेया करदे होई आखेआ एहूदे आस्तै लफज बी घट्ट पेई गे न। उनें शहीदें गी श्रद्धांजलि दित्ती। उनें गलाया जे किट्ठे रलियै असेंगी दुश्मन दे भेड़े मंसूबें गी नाकाम बनाना लोडचदा ते शांति, रमानदारी ते सदभाव बनाना लोडचदा जेहूदे लेई म्हेशां थमां डोडा गी जानेआ जंदा ऐ। सेना प्रमुख उपेन्द्र द्विवेदी होरें बी शहीद सैनिकें गी नमन कीता ते सौहगी परोआर प्रति संवेदना जाहर कीती।

<><><><><><>

## Center New Law

केन्द्र नै सारे राज्यें ते केन्द्र शासत प्रदेशों गी आखेआ ऐ जे पुलस स्टेशनें गीते पुलस मैहकमे दे नियंत्रण आली थाहरें गी गवाहें थमां पुच्छ-गिच्छ करने लेई इस्तेमाल नेई कीता जा। केन्द्री गृह सचिव अजय भल्ला होरें सारे राज्यें ते केन्द्र शासत प्रदेशों गी इस बारे चिट्ठी लिखी ऐ। सारे पुलस थानें गी भारतीय नागरिक सुरक्षा संहिता 2023 तैहत आडियो वीडियो इलैक्ट्रानिक तरीके राएं गवाहें दी जांच आस्तै इक तैह थाहर दी पंछान करने लेई आखेआ ऐ। त्रै नमें कनून भारतीय न्यांह संहिता, भारतीय नागरिक सुरक्षा संहिता ते भारतीय साक्ष्य अधिनियम इस म्हीने दी पैहली तरीक थमां लागू होई गे नं

<><><><><><>

## Budha Amarnath

जम्मू दे डिवीजनल कमीशनर रमेश कुमार ते जम्मू जोन च पुलस दे अतिरिक्त महानिदेशक आनंद जैन होरें कल इक बैठक दरान पुंछ च औंदी सलाना बाबा बुड्डा अमरनाथ जी दी यात्रा दे प्रबंधें दा जायजा लैता। यात्रा अगले म्हीने थमां शुरू होआ करदी ऐ। पुंछ थमां आकाशवाणी दे संवाददाता दी रिपोर्ट मूजब पुंछ च डीडिसी दे चेयरपर्सन तजीम अख्तर, डिप्टी कमीशनर यासीन एम.चौधरी, डीआईजी राजौरी-पुंछ रेंज तेजेन्द्र सिंह, एसएसपी जुगल

मन्हास ते केई अधिकारिएं, सिविल समाज दे मिंबरें ते धार्मिक संस्थाएं दे नुमायंदे यात्रा गी रमानदारी ते सुरक्षत ढंगे कन्नै कराने सरबंधी बक्ख-बक्ख पैह्लुएं पर सोच बचार कीता। डिवीजनल कमीशनर होरें यात्रिएं गी सब्बै जरूरी सहूलतें गी जकीनी बनाने बारे डीसी होरें गी निर्देश दित्तुं पुलस दे अतिरिक्त महानिदेशक होरें व्यापक सुरक्षा उपाह् करने दे निर्देश दित्ते ते यात्रा दे रस्ते च लोड़चदी गिनतरी च पुलस बलें गी तैनात करने ते सख्त निगरानी रखने पर जोर पाया। डिवीजनल कमीशनर ते एडीजीपी होरें श्री बुड्डा अमरनाथ जी दी यात्रा गी रमानदारी कन्नै करोआने लेइ सिविल सोसायटी, धार्मिक नेताएं कन्नै बी बैठक लाई।

<><><><><><><><>

## Amarnath Yatra

श्री अमरनाथ जी दी यात्रा पूरी चाल्ली रमानदारी ते बवस्था आले ढंगे सिर जारी ऐ। जम्मू दे भगवती नगर आले आधार शिविर थमां अज्ज बडलै 4 ज्हार 132 यात्रिएं दा 18मां जत्था सख्त सुरक्षा बंदोबस्त हेठ कश्मीर घाटी लेई रवाना होआ जेह्दे च 2 ज्हार 872 मर्द, 1 ज्हार 168 महिलां, 18 न्याणे, 68 साधु ते 6 साध्वियां शामिल न जेह्दे बडलै त्रै बजे 151 गड्डिडं दे काफले च सुआर होइयै बालटाल ते पहलगाम आले आधार शिविर पर रवाना होए। इंदे च 1 ज्हार 808 श्रद्धालु बालटाल लेई ते 2 ज्हार 324 श्रद्धालु पहलगाम लेई रवाना होए, जित्थुआं ओह् अपनी अगगे दी यात्रा शुरू करगंन।

<><><><><><><><>

## Helpline

पुंछ ते राजौरी जिले दे उनें बसनीकें जेह्दे विदेशें च खास करियै खाड़ी मुल्खें च रवा करदे न, उंदिएं शकैतें दा नबेड़ा करने लेई। जिला पुलस पुंछ नै इक ओवरसास हैल्पडैस्क दी शुरूआत कीती ऐ। जम्मू जोन दे पुलस दे अतिरिक्त महानिदेशक आनंद जैन ते डिवीजनल कमीशनर जम्मू रमेश कुमार होरें पुंछ च ओवरसीस हैल्पडैस्क दे कन्नै इक एंटी ड्रग्स हैल्पलाइन दी बी शुरूआत कीती।

<><><><><><><><>